

Passion. Dominicam. Et Drusium *ad c.27. v. 34. fol.828. Matth. in Tom.6. Critic.Sacror.* Ideò Imperator istum abusum voluit tollere & statuere, ut reus condemnatus, qui mortis meditationes fovere debet, nemiò potu vini generosioris non obruatur. Mens namque vinò obruta ne quidem hujus vitæ nunciis, nedum pietati rectè vacare potest. Remus *ad h.art.p.80. Mantz. ad eund.n.21.22.p.319.*

ARTIC. LXXX.

Judicium convocatio.

Verkündigung zum Gericht.

Um Gericht soll verkündiget werden / wie an jedem Ort mit guter Gewohnheit herkommen ist.

AD ARTIC. LXXX.

ARGUMENTUM.

Ad Judicium capitale convocatio Judicium instituenda est juxta morem & consuetudinem in quovis loco receptam.

EXEGESIS.

NOtandum. 1. Quod, quoties causa capitalis decidenda est per legitimam sententiam, omnes illi, qui sunt de collegio Judicum & Assessorum, convocandi sunt : quia, quando pluribus concessa est judicandi potestas, ita, ut omnes isti repræsentent unum, tum illorum officium habetur pro individuo, atque ita unus vel duo absque aliorum consensu sententiam ferre nequeunt, cum uni soli nec Jurisdictio, nec exercitium Jurisdictionis competat, adeoque sententia ab uno vel duobus absque reliquorum Collegarum consensu & approbatione lata ex defectu Jurisdictionis sit nulla. Sebastian Vantius *in Tract. de Nullis. & quid. ex defectu Jurisdict. n.175.176. p.240.*

2. Si unus vel alter ad Judicium vocatus ob legitimam & sufficientem causam emanerit, uti est vis hostilis, adversa tempestas, luctus domesticus, adversa valetudo, & aliæ causæ, quas enumerat Mynsinger. *Cent.4. Obs.57. n.6. p.318.* tum reliqui in judicando pergere, & sententiam ferre possunt.

Oo

3. Quo-